

Na osnovu člana 8. Zakona o ministarskim, vladinim i drugim imenovanjima FBiH („Službene novine FBiH“, broj: 12/03, 34/03 i 65/13), člana 35. Uredbe sa zakonskom snagom o ustanovama („Službeni list RBiH, broj: 06/92, 08/93 i 13/94), u skladu sa odredbama Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Velika Kladuša („Službeni glasnik Općine Velika Kladuša“, broj: 2/1 i 9/13), i člana 43. Statuta Općine Velika Kladuša „Službeni glasnik Općine Velika Kladuša“ broj: 12/11), Općinski načelnik Općine Velika Kladuša, r a s p i s u j e

JAVNI KONKURS
za izbor i imenovanje predsjednika
Upravnog odbora JU Centar za socijalni rad Velika Kladuša

I Predmet Javnog konkursa:

- Raspisuje se Javni konkurs za izbor i imenovanje predsjednika Upravnog odbora JU Centar za socijalni rad Velika Kladuša,
- Mandat predsjednika Upravnog odbora traje koliko i mandat Upravnog odbora imenovanog rješenjem broj: 02-04-517-2/25 od 25.02.2025. godine.

II Opis pozicije:

Nadležnost Upravnog odbora propisana je pravilima JU Centar za socijalni rad Velika Kladuša, i podrazumjeva obavljanje slijedeće poslova:

- donosi Pravila Centra;
- donosi Pravilnik o radu, unutrašnjoj organizaciji i sistematizaciji radnih mjesta, uz saglasnost Osnivača, a u skladu sa zakonom i Pravilima Centra;
- donosi druge opšte akte u skladu sa zakonom i ovim Pravilima;
- imenuje i razrješava direktora i vršioca dužnosti direktora, uz prethodnu saglasnost Osnivača;
- predsjednik Upravnog odbora, na osnovu odluke Upravnog odbora, zaključuje sa direktorom Centra ugovor o uzajamnim pravima i obavezama, na određeno vrijeme (mandatni ugovor u trajanju 4 (četiri) godine);
- utvrđuje planove rada i razvoja;
- utvrđuje godišnji program rada;
- donosi finansijski plan i usvaja godišnji obračun;
- usvaja plan javnih nabavki i izmjene i dopune istog;
- odlučuje o svim pitanjima obavljanja djelatnosti radi kojih je Centar osnovan, ako zakonom nije određeno da u određenim pitanjima odlučuje drugi organ Centra;
- usmjerava, kontroliše i ocjenjuje rad direktora Centra;
- rješava sva pitanja odnosa sa Osnivačem;
- odlučuje o korištenju sredstava preko iznosa do kojeg odlučuje direktor;
- odgovara Osnivaču za rezultate rada Centra;
- odlučuje o prigovorima protiv rješenja kojima je direktor odlučio o pravima, obavezama i odgovornostima zaposlenika iz radnog odnosa;
- na prijedlog direktora donosi odluku o potrebi zapošljavanja u Centru;
- kao drugostepeni organ odlučuje o prigovorima u toku konkursne procedure;
- podnosi Osnivaču najmanje jednom godišnje izvještaj o radu Centra sa izvještajem o radu Upravnog odbora, te izvještaj o finansijskom poslovanju Centra;
- odlučuje o promjeni naziva i sjedišta Centra, uz prethodnu saglasnost Osnivača;
- vrši i druge poslove u skladu sa zakonom i drugim aktima.

III Uvjeti za poziciju:

Svi kandidati za poziciju predsjednika Upravnog odbora moraju ispunjavati slijedeće opće i posebne uslove:

a) Opći uslovi:

- Da je državljanin Bosne i Hercegovine,
- Da je stariji od 18 godina,
- Da je zdravstveno sposoban za obavljanje poslova na koje se kandidira,
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog oglasa,
- Da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH,
- Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
- Da nema privatni finansijski interes u reguliranom organu u koji se kandiduje,
- Da nije osuđivan za krivično djelo i privredni prestup nespojiv s dužnošću u reguliranom organu u koji se kandiduje,
- Da nije lice kojem je pravosnažnom presudom suda zabranjeno obavljanje aktivnost

b) Posebni uvjeti:

- a) Da imaju završenu visoku ili višu stručnu spremu,
- b) Da imaju najmanje 5 (pet) godina radnog iskustva nakon sticanja stručne spreme
- c) Da nisu članovi Upravnog ili Nadzornog odbora nekog od reguliranih organa Općine Velika Kladuša, što dokazuje Izjavom potpisanom i ovjerenom od nadležnog organa,
- d) Da nisu na poziciji Direktora ili člana uprave u reguliranom organu u koji se kandiduju, što dokazuje Izjavom kandidata, potpisanom i ovjerenom od nadležnog organa,
- e) Da imaju komunikativne i kreativne sposobnosti za savjesno, odgovorno i odlučno obavljanje upražnjene pozicije;

V Potrebni dokumenti:

Uz potpisanu prijavu na Javni konkurs, s kratkom biografijom, adresom i brojem telefona, prilažu se originalne ili ovjerene fotokopije dokumenata:

- 1) Uvjerenje o državljanstvu,
- 2) Izvod iz matične knjige rođenih,
- 3) Izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog oglasa,
- 4) Izjavu kandidata da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- 5) Izjavu kandidata da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH,
- 6) Izjavu kandidata da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti BiH,

- 7) Izjavu kandidata da nema privatni finansijski interes u reguliranom organu u koji se kandiduje,
- 8) Izjavu kandidata da nije član upravnog ili nadzornog odbora u nekom od reguliranih organa Općine Velika Kladuša.
- 9) Izjavu kandidata da nije na poziciji direktora ili člana uprave organa u koji se kandiduje,
- 10) Uvjerenje da se ne vodi krivični postupak i da se protiv prijavljenog kandidata ne postoji optužnica koja je stupila na pravnu snagu,
- 11) Uvjerenje iz kaznene evidencije da prijavljeni kandidat nije osuđivan za krivično djelo,
- 12) Uvjerenje da pravosnažnim rješenjem o prekršaju kandidatu nije izrečena kazna za privredni prijestup, niti mu je izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti u reguliranim organu u koji se kandiduje.
- 13) Dokaz o stručnoj spremi, i
- 14) Dokaz o radnom iskustvu,

Dokumenti kojima se dokazuje ispunjavanje općih i posebnih uslova ne mogu biti stariji od (6) šest mjeseci.

Dokaz o zdravstvenoj sposobnosti, kandidati koji budu izabrani na poziciju na koju su se kandidovali dostavljaju nakon izvršenog postupka izbora.

VI Ostale napomene:

Rok za podnošenje prijave je 15 dana od datuma zadnje objave Javnog konkursa u “Službenim novinama Federacije Bosne i Hercegovine”, odnosno dnevnom listu „Oslobođenje“, na službenoj web stranici Općine Velika Kladuša, i u programu Radio televizije Velika Kladuša.

Prijave sa dokumentacijom mogu se dostaviti u zatvorenoj koverti u pisarnici Općine ili preporučeno poštom na adresu:

*Općina Velika Kladuša
Ulica Hamdije Pozderca br. 3*

„Komisija za izbor i imenovanje u organima tijela u kojima Općina Velika Kladuša ima pravni interes i zakonito pravo da vrši imenovanja“, uz naznaku:

*„Prijava na Javni konkurs za predsjednika Upravnog odbora JU Centar za socijalni rad
Velika Kladuša“*

Neblagovremene i nepotpune prijave neće se uzimati u razmatranje.

Svi kandidati koji budu stavljeni na listu kandidata koji ispunjavaju uslove iz Oglasa biće pozvani na Intervju pred Komisijom za izbor koju imenuje Općinski načelnik.

*Akt obradio Pomoćnik načelnika
Šahinović Jasmin, mag.pol.*

*Broj: 02-Jh-2471-1 /26
Velika Kladuša, 28.04.2026. godine;*

